

3Ժ.

Մեր նամակագիրը կ'ամբողջացնէ իր կարեւոր ծանօթութիւններով Սառաֆեան արք.ի կենսագրականը:

Գերապատիւ և Գերարգոյ Տեառն Տեառն
Ստեփաննոս Վրդպ.ի Արքայ Հօր մերոյ ողջոյն աշխատւոյր

... Սարգիս Վարդապետն ել աստի Ֆոանսըզի նաւով որ գնալ ունէր ի Մարչիլիայ, յաւուր երեքշաբաթի ի 18 սեպտեմբերի. և անտի գնալ ունի ի հոռվմ, և անտի ի Վէնէտիկ. սակայն խնդրեաց ի մէնջ զհանդերձ կրօնի մերոյ վասն իւր և վասն փոքրաւորի իւրոյ՝ ծալտիլ նովաւ ի ճանապարհին, բայց մէք պատճառելով զպատճառանս ոչ տուաք, զի մի տացուք տեղի ամբաստանութեան չարափառաց՝ ասել թէ սոքա փախուցին գնա, և փախուցանեն զայսպիսիս զգեցուցանելով նոցա զհանդերձս իւրեանց. և այլ ևս անպատշաճութեանց մարթ էր ծագել զորս ոչ զգացուցաք նմա, վասն որոյ կարծեմ խաթըրմնայ եղև զմէնջ սակաւ մի: Ի ճանապարհէն գրեաց թուղթ առ ընտանիս իւր աստ, և բաժաւ նեաց նոցա զամենայն զկահ և զկարասի տան իւրոյ. և ի թղթոյ անտի իմացան զգնալ նորա աստի, զի յառաջ քան զայն և ոչ ընտանիք և քոյր իւր գիտէին. մինչև պատրիարզն իսկ յանցեալ շաբաթուն, առաքեաց և որոնեցին գնա յանգէտս յօրթաքէօյ և ի թառապիայ, և ոչ գտաւ: Եւ բազում բարեկամք նորա ի հակառակորդաց ողբան զգնալ նորա, որպէս ի հարկէ խնդան թշնամիք նորա:...

Յամի տեառն 1772
Սեպտ. 29 [Կ. Պոլիս]

Նուաստ ծառայ
Հ. Անանիա Վրդպ. Մ.

3ԺԱ.

Հուակ իր անձին շուրջ ինքը Սարգիս արք. Սառաֆեան կու գայ նախընթացներն հաստատելու և նաև հաղորդելու իր կենսագրութեանը վերջին մասերը:

Տեառն Տեառն Ստեփաննոս Գերարգելի Արքայի
սիրով և կարօտիւ ողջոյն ի Քրիստոս Յիսուս

Եսանիցէ Վսեմութիւնդ, զի իբր երկու ամսով յառաջ երկու գիր մի զկնի միոյ ի Կոստանդնուպօլսոյ յղեցի յարգութեանդ, վասն դրամոյն իմոյ, որ անցանելոց էր այդր, և ի քեզ հասանելոց փօսթովն Վիէնայու ձեռամբ Փէթրօ Զաքարիային, մերթ հազար հինգ հարիւր դռ. և մերթ աւելի կամ պակաս. որոց բովանդակն լինելոց է իբր տասն և մէկ հազար դռ, կամ սակաւ ինչ աւելի կամ պակաս. և ակն ունիմ թէ զայդմանէ ծանուցանելոց ես ինձ ի Հոսմ ի ձեռն գրութեանդ մի ըստ միոյն հաշիւն հանդերձ: Իսկ եթէ զարդենական կացութենէ մերմէ կամիս տեղեկանալ՝ ծանիր. զի ըստ հաշուի հին տօմարին, ի տասն և ութ աւուրն սեպտեմբերի ելեալ մեր ի Կոստանդնուպօլսոյ. և ի միջոցի քսան և չորս աւուր՝ անջնաս հասաք ի նաւահանգիստն Մարչիլիայու. և այս երեք օր է որ կամք ի նազարէթն նորին. և ըստ ծիսի տեղոյս մինչև ի լրանալ երեւտուն աւուրց պարտիմք մնալ աստ, և ոչ աւելի: Եւ զկնի ելանելոյ մեր ի նազարէթէն, կամիմ իբր հնգետասան աւուրս մնալ աստ ի Մարչիլիայ, առ ի շրջիլ ի քաղաքի և սա-